



UNIVERSITÄTS-
BIBLIOTHEK
PADERBORN

Waerchtighe Historie Van de Martelaers Van Gorcom

Estius, Wilhelm

Antwerpen, 1604

Capittel II. Vande af-comste van P. Nicolaes Pieck, ende hoe hy naer Louen is ghesonden.

[urn:nbn:de:hbz:466:1-64552](https://nbn-resolving.org/urn:nbn:de:hbz:466:1-64552)

colaes / ij. Hieronymus / iij. Dierick / iiij. Pica-
 sius / v. Wilhardus / vij. Godefridus / viij. An-
 tonius / viij. een andere Antonius / ix. Franciscus /
 x. Petrus / xi. Cornelius / xij. Leonardus / xij. een
 andere Nicolaus / xiiij. een andere Godefridus /
 xv. Joannes / xvj. noch een Joannes / xvij. Adria-
 nus / xvij. Jacobus / xix. Andreas. Vande
 welke de elue eerste zijn gheweest Minder- broe-
 ders die- men noemt Obseruanten midts hunne
 vol-comene professie ende onder-houdinghe des re-
 gels hen van S. Francisco achter-ghelaten. Van-
 der acht zijn wel alle te samen Priesters gheweest /
 nochtans niet van een maniere van leuen / ghelijck
 het vervolgh van onse verhalinghe van elcken by-
 sonder t'lijner plaetsen sal doen blycken. Nu dan
 laet ons aen-slaen dat wy veur-ghenomen hebben.

CAPITTEL II.

Vande af-comste van P. Nicolaes Pieck, ende
 hoe hy naer Louen is ghesonden.

Nicolaes Pieck ghebozen van Gorcom hadde
 tot eenen vader Jan Pieck / ende tot een moe-
 der Henriken Calue / eerlijcke ghehouwde persoos-
 nen / en treffelijcke onder-houders vā het oudt waer-
 achtigh Catholijck gelooue: sonderlinge de mā / als
 die hem dick-wils getoont heeft te wesen niet alleen
 ghetrouw bozgher veur de op-rechte religie / maer
 dock een dappere veur-bechter der seluer. Want
 om dit een punct onder vele andere van hem te ver-
 halen / all-ser op eenen tijdt inde selue stadt een wolf
 met bedrieghelijcke behendigheydt de plaetse van de
 Pastoor hadde inne-ghenomen / ende al-reede de
 schaepkens des Heeren secretelijck hadde beginnen
 te be-

te bederuen / heeft dese Jan Dieck de laecke wijse-
 lijck wel bevroedt / ende deur eenen peuer totte reli-
 gie verweckt wesende / en heeft niet op-ghehouden
 de bedeckte speuren vanden wolf te vervolghen / tot
 dat hy betrapt ende bekent gheworden is / ende be-
 dwonghen sijn officie ende de stadt met eenen te
 verlaten. Deur de sorgh-buldighepdt van desen
 vader is de sone Nicolaus van sijn ionghepdt af ner-
 stelijck inde Godt-vruchtighepdt onder-wesen / ende
 heeft daer deur al-soo toe-ghehouden / dat hy deur
 de peuerige naev-volginge van sijns vaders deughd-
 saemhepdt noch een kindt zijnde hem betoont heeft
 sulcken vader weerdigh te wesen. De welcke al-soo
 hy van sijn eerste ieughdt af de ijdelhepdt ende pom-
 perije des wereltds hatende / deur hem ghenomen
 hadde eenighe hepligher ende vol-maerckter maniere
 van leuen aen te nemen / soo haest als hy deur sijnen
 ouderdom bequaem was / heeft de H. Orden van
 S. Franciscus aen-veerdt ende gheprofessiet inde
 stadt daer hy te veuren inde vrije consten met veur-
 spoedt hadde ghestudeert. Dat was de stadt van
 s Hertoghen-bosche in Brabant / de welcke doen
 ter tijdt hadde een groote ende seer vermaerde scho-
 le / die oock totten daghe van heden niet teghen-
 staende allen desen quaden tijdt blijft duerende.
 Voorzds van daer is Nicolaus / als wesende onder
 sijns gelijckē een iongh-man van goeder apparentiē
 deur bevel sijner ouersten ghesonden naer Louen
 totte studie der hepligher Godthepdt. In dese stadt
 is een clooster vande Minder-broeders / in het welck
 de cloosterlycke disciplinen volgende den regel van
 S. Franciscus met aller Godt-vruchtighepdt ende
 toe siecht wierden onder-houden / ende de studien
 der hepligher Schrifturen met eenen seer in fleur
 zijn: soo dat tot desen daghe toe / onder soo vele alen-
 digheden

digheden als de selue Stadt en de gheheele provincie
 daer-en-tusschen ouer-ghecomen zijn / dese vierig-
 heydt totte Godt-vruchtigheydt ende totte studien
 noch niet verflauwt en is. In het selue clooster had-
 de veur dien tijde eenighe iaren gewoont B. Dierick
 van Munster / een man midts sijne predicatie ende
 hepligheydt des leuens heel Zabandt veur seer ver-
 maert / van wien oock vele heerlijcke poincten ver-
 haelt worden. Oock heeft dit clooster al-tijdt ghe-
 hadt seer geleerde Leef-meesters inde heplige Godt-
 heydt. Onder welcke niet sonder groote opinie van
 hepligheydt zijn gheweest (die oock midts hunne
 boecken eenen vermaerden naem byde na-couelins-
 ghen hebben achter-ghelaten) P. Franciscus Titels-
 man / ende P. Adam Salbout. Waer van de eer-
 ste langhe te veuren upt begeerte tot strangher leuen
 van Louen was ghetrocken naer Italien / ende al-
 daer van deser werelt ghescheyden. Maer Sal-
 bout heeft upt sijn schole vele mannen voort-ghe-
 braght / wiens geleerthepdt by een goet leuen ghe-
 boeght in de heplighe Kercke Christi vele profijts
 heeft ghedaen : maer principelijck twee / te weten /
 P. Nicolaes Pieck ende P. Daniel van Arendonck :
 met welcke als met costelijcke peerlen Christus de
 familie van S. Franciscus / iae sijn heplighe Ker-
 ke heeft willen vercrieren. Sy zijn geweest beyde op
 hunnen gheordineerden tijdt Martelaers / beyde
 capiteynen ende aen-voerders der Martelaren / de
 eene Ouerste van t'clooster te Gorcom / de ander-
 re tot Almaer. Oock en magh ick hier niet ver-
 swijghen den neue van onsen Martelaer / mijnen ey-
 ghenen ende aller-liefsten broeder / ende gestadighen
 voort-drijuer van dese onse historie P. Arnoldus
 Cstius / de welcke sijnen oom Godt-vruchtelijck
 naer-ghevolght is / ende in dit selue clooster daer hy
 hadde

hadde ghestudeert inde Godtheydt / den regel van S. Franciscus heeft belouet ende gheprofessiet / ende naer-der-handt gheworden zijnde een naer- volgher vande veur-sepde gheleerde mannen bouen ghenoeit / heeft al-daer vele iaeren de H. Godt- heydt niet sonder grooten lof ende profijt gedoceert / tot dat hy in dit selue iaer als wy dese dinghen upt- ghegheuen hebben / is op-ghekomen tot Minister van dier Prouincie.

CAPITTEL III.

Vande conuersatie van P. Nicolaes, ende van sijne oodr-moedigheydt.

N Aer-de-mael dan dat Nicolaus in dit hepligh gheselschap der broeders eenighe iaeren inde heplighe Schriften hadde ghestudeert / is hy van daer tot verschedene plaetsen inden acker des Hee- ren upt-ghelonden / om deur het saeden van het Goddelijck woordt vruchten voordt te brenghen / ende om het pondt van sijn verstandelijckheydt d'welck hy met grooter sorggh-vuldigheydt hadde vercreghen / met ghelijcke sorggh-vuldigheydt te be- steden. D'welck veur-waer ghelijck hy seer ghe- hoorzamelijck vande handt sijner Ouersten heeft aen-beerdt te doen / al-soo heeft hy't oock deur Gods hulpe ghetrouwelijck ende veur-spoedelijck te we- ghe ghebraght. Voordts aen-gaende sijn loffelijc- ke conuersatie des leués onder sijne mede-broeders / de welcke was als het veur-spel totte croone der martyprien / wilde ick de selue in't langh verbolghen / ick soude van mijn veur-nemen moeten af-wijcken. Hoe wel dat ick onder vele puncten de principaelste niet en behoorze veur-by te gaen / ghelijck als is: Dat hoe wel aller-hande deughden in het hepligh herte
 van